

San Choon gesa elak

Bahari asal dari Arkib

Negara Malaysia

tuntutan perkauman

KUALA LUMPUR, Ahad — Presiden Kebangsaan MCA, Datuk Lee San Choon mengingatkan semua kaum di negara ini mengelak dari membuat tuntutan-tuntutan yang boleh menegangkan perasaan perkauman.

Menurut beliau, dalam masyarakat majmuk seperti Malaysia, tuntutan mengenai sesuatu isu hingga menimbulkan perbincangan secara terbuka harus dielakkan.

Sebaliknya, kata Datuk Lee, satu forum perlu diadakan untuk membincangkan isu-isu dan tuntutan serta mencari penyelesaiannya secara objektif, saksama dan bijak tanpa dihangatkan dengan perasaan marah dan dendam.

Beliau yang juga Menteri Pengangkutan berkata demikian di perhimpunan agung ke-30 MCA di sini hari ini yang dirasmikan oleh Pemangku Perdana Menteri, Datuk Musa Hitam.

Datuk Lee sekali lagi

mengingatkan, tuntutan dari mana-mana kaum di negara ini yang tidak melalui saluran yang betul mungkin menimbulkan reaksi perpecahan dan ketegangan.

"Jika keadaan ini terus berlaku, harapan kita untuk membina sebuah negara yang maju, makmur, aman dan bersatu sukar dicapai," katanya lagi.

Beliau berkata, MCA tidak menerima perbuatan melampau dalam parti atau dalam masyarakat Cina. "Kami juga tidak menerima perbuatan melampau dalam masyarakat lain," tambahnya.

Sebaliknya, kata Datuk Lee, setiap kaum di negara ini perlu berusaha memupuk semangat saling percaya, mempercayai, persefahaman dan muhibah.

Satu caranya, kata beliau, tamadun dan adat resam sesuatu kaum di negara ini harus dipelajari dan diketahui bagi mengelakkan sebarang syak wasangka.